

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02- 1048/15
Vareš,03.12. 2015. godine

Na osnovu člana 18. stav (1) i člana 21. stav (1) tačka c) Zakona o javnim nabavkama Bosne i Hercegovine („Sl. glasnik BiH“ broj 39/14), člana 9. Zakona o komunalnim djelatnostima (Službene novine Zeničko-dobojskog kantona br.17/08), člana 33. stav 1. tačke 2. Statuta općine Vareš-Prečišćeni tekst, broj: 01-162/12 od 11.09. 2012. godine, Sporazuma o zajedničkom učešću u realizaciji projekata iz „Programa utroška sredstava vodnih naknada za 2015. godinu- izmjene i dopune“ , potpisanim između Općine Vareš i Ministarstva za poljoprivredu,šumarstvo i vodoprivredu Zeničko-dobojskog kantona broj: 05-25-8581-7-8/15 od 11.11.2015. godine(broj Ministarstva) i broj: 02-950/15 od 11.11.2015. godine(broj Općine), i saglasnosti Ministarstva za poljoprivredu,šumarstvo i vodoprivredu Zeničko-dobojskog kantona broj: 05-25-21061/15 od 01.12.2015. godine, na primjenu postupka javne nabavke, Općinski načelnik d o n o s i

O D L U K U

o pokretanju postupka javne nabavke Pregovaračkog postupka bez objave obavještenja

I

Pokreće se postupak javne nabavke iz poglavlja II Zakona o javnim nabavkama BiH – Pregovarački postupak bez objave obavještenja.

Pregovarački postupak će se provesti sa Javnim komunalnim preduzećem JKP d.o.o Vareš.

Predmet nabavke je izvođenje radova na izgradnji dijela fekalne kanalizacione mreže u Varešu, faza IV - nastavak projekta

II

Sredstva za izvođenje radova obezbjeđuje Ministarstvo za poljoprivredu, šumarstvo i vodoprivredu Zeničko-dobojskog kantona u skladu sa Sporazumom o zajedničkom učešću u realizaciji projekata iz „Programa utroška sredstava vodnih naknada za 2015. godinu- izmjene i dopune“ , potpisanim između Općine Vareš i Ministarstva za poljoprivredu,šumarstvo i vodoprivredu Zeničko dobojskog kantona broj: 05-25-8581-7-8/15 od 11.11.2015. godine(broj Ministarstva) i broj: 02-950/15 od 11.11.2015. godine(broj Općine).

III

Posebnim rješenjem imenovat će se Komisija za provođenje pregovaračkog postupka bez objave obavještenja.

adresa: Zvijezda 34, 71330 Vareš
identifikacijski broj: 4218285300002
depozitni račun: 3380002210017420

tel.: 00387 32 848 100; **fax:** 848 150
web: www.vares.info
e-mail: vares@bih.net.ba



O b r a z l o ž e n j e

Članom 21. stav (1) tačka c) Zakona o javnim nabavkama Bosne i Hercegovine („Sl. glasnik BiH“ broj 39/14), propisani su uslovi za primjenu pregovaračkog postupka i to u slučaju kod ugovora o javnim nabavkama radova, roba ili usluga kada zbog suštinskih, tehnički dokazivih ili umjetničkih razloga, ili zbog razloga koji se odnose na zaštitu ekskluzivnih prava, samo određeni dobavljači mogu izvršiti nabavku, pružiti usluge ili izvršiti radove i kada ne postoji druga mogućnost izbora;

Članom 9. Zakona o komunalnim djelatnostima (Službene novine Zeničko-dobojskog kantona br.17/08) je propisano da Općina obavljanje pojedinih komunalnih djelatnosti koje se finansiraju iz njenog budžeta obavezno povjerava javnim preduzećima komunalnih djelatnosti koje je odlukama vijeća formirala za obavljanje tih komunalnih djelatnosti.

Članom 4. Općinske odluke o vodovodu i kanalizaciji br.01-101/10 od 05.05.2010. godine propisano je da građenje, upravljanje i korištenje objekata i postrojenja za javno snabdijevanje vodom za piće (u daljnjem tekstu: javni vodovod), odnosno objekata i postrojenja za odvođenje i prečišćavanje otpadnih voda i odvođenje atmosferskih voda (u daljnjem tekstu: javna kanalizacija) vrši Javno komunalno preduzeće d.o.o Vareš kao preduzeće koje upravlja javnim vodovodom odnosno javnom kanalizacijom (u daljnjem tekstu: JKP d.o.o Vareš).

Imajući u vidu naprijed citirane odredbe Zakona, a pri tome uvažavajući činjenicu da je u ovom konkretnom slučaju riječ o izvođenju radova na izgradnji dijela fekalne kanalizacione mreže u Varešu kojom upravlja Javno komunalno preduzeće d.o.o. Vareš, odnosno odvođenje i prečišćavanje otpadnih voda koje predstavlja komunalnu djelatnost, koje može izvoditi samo Javno komunalno preduzeće d.o.o.Vareš, ispunjeni su uslovi za primjenu pregovaračkog postupka bez objave obavještenja iz člana 21. Zakona o javnim nabavkama BiH.

DOSTAVLJENO:

1 x služba 02/1

1 x a/a

OPĆINSKI NAČELNIK

Kovačević Avdija, dipl. pravnik